

2 Joāu

¹Txai²li² Jo³āu²ah³lo²na¹xai²na² yah³lon¹jah¹lo²na¹xai²na² e³kxi¹nxa²ha¹tū¹-xa². Wxāi²na² Je³su²jah¹lai²na² i²sxā³ ā³yū³so¹nxa²ta¹ka³l Xu³si¹nxa². Wxāi²na²wxa²wē³ha³lxa² nxe³sxā³ ū³wha²li¹la³kxi¹nx2ta¹xa². A³lxi¹nx2ta¹nha². Te²-yā¹nxe³sxā³ wān³txa² ya²la³lyau³xa² wi¹ko³nyhain¹te²na² a²yxo²ha³kxa¹a³lxi²nx2tain¹na³na². A²A²nxe³jau³xai²na² wān³txa² ya²la³lyau³xan²tu³txa²-wā¹ē¹nāu³ai²na² wi¹le³kxi²nha²sxā³ yxau²xai³sa²tē³nē³na³na². Hai³txi³ jau³la³ne³wā²na³kxain¹nxa³lho³na². Nxe³nē³ju³tan¹te²kxa³yā³lhu² a³lxi¹nxa²ha¹xa².

³Txa²wā¹sū³na² Si³yxau³jah¹la² Txa²wā¹wi³nu²su² ha²kxai³ Je³su² Kris²tu³jah¹-la² Txa²wā¹hx¹kan¹ta² Si³yxau³jah¹lo²su² ha²kxai³ Txa²wā¹sū³na² Tah²su² ha²kxai³nxe³ya³sxā³ kāin² thāi³ti³la² a³lxi²nē³si¹hi² wi¹lhin¹sxā³ thāi³ti³la² sa²hau³ko³tē³-si¹hi² tx²wā¹nxū²kwai³nāu³aa² a³nāu²no³tē³si¹hi² nxe³nē³si¹jau³su² ten³sa³nha². Wān³txa² ya²la³lyau³xa² sa²yxo²we¹ki³lā³na². A³lxi²waun¹nyhu¹ki³lā³na².

Ya²la³lyau³xa² a³lxi²nyhu¹kxi³jau³xa² ū³yau¹ū¹nhē³jau³su²

⁴Wxa²wē³ha³lxa² ka³na³ki²te²na² wān³txa² ya²la³lyau³xa² a³si³tē³-la³kxi²nyhain¹ta¹hē¹na². Txa²wā¹wi³na² wān³txa² ū³kwa³na³nē³jau³xa² ain³kxi²si¹na¹kxaix3 jā¹nxain¹ta¹hē¹na². Ju¹tai²li² wi¹lxon³kxi²khai¹lxi¹sa³nha². ⁵Nxe³ha²kxai³ wān³txa² tah²yau³xa² ū³wha²li¹la³kxi¹nx2ti³nxa³lho³na². Wān³txa² txa²wā¹si³kxā³nāu³u¹tai²na² ain³kxi²sa²tē³kxah¹lxin¹jau³xan²tu³nxe³jau³xai²na² ū³wha²li¹la³kxi¹nx2ti³ha¹na².

—~A³lxi²waun¹ti³nha²yu³sxā³ yxau²xai³la³sah¹lxi³hē¹li¹. Txa²wā¹sū³na² wān³txa² nxe³ta¹hxai²ti³ai¹ti²tu³na². ⁶A³lxi²waun¹nha²yu³ki³kxai²nān²tu³Sū³na² wān³txa² kwa³na³nē³jau³xan²tu³ sa²yxo²we¹txi² ai³ya³sah¹-lxi³nu³nhē¹na². A²nxe³sxā³ wān³txa² sa²yxo²wet1xai³ki³jau³xan²tu³txa²wā¹si³kxā³nāu³u¹tai²nān²tu³ ain³kxi²ki³jau³xai³ta³lxa²na³na².

—~A³lxi²waun¹ti³nha²yu³sxā³ yxau²xai³la³sah¹lxi³hē¹li¹. Txa²wā¹sū³na² wān³txa² nxe³ta¹hxai²ti³ai¹ti²tu³na².

⁷Txa²wā¹ha³lo²a²nāu³xa² a²nū²a² wi¹lhi¹nai¹nxa³te²a² yū²na³na². A³ke³tū¹-nx2tai¹nha³tā². A²nxe³te²nāu³xai²na² sa²kxai³lu² Je³su²jah³la² wxā³ju³tai³lā² a²nū²khai³su² wen¹sxā³ wxā³ju³tai³lā² ū³we¹nyhai¹nxa³xa². A²nxe³tū³ka³txai²-na² a³ke³tū¹nē³tū³ka³txai²la¹xa². Je³su²jah³la² ko¹ko¹son²kxi³tū³ka³txai²la¹xa². ⁸Nxe³ha²kxai³ ū³nha²khai¹nxe³jah³lxi³hē¹na². Wān³txa² ū³yau¹ū¹nx2ta¹kxe³su²

wi¹ko³nha¹jah³lxi³hē¹na². Ti¹kxi¹nx2ti³ha³tā². Yxān¹ta¹ wi¹ko³nyhah¹lxin¹-kxai²nān²tu³ wi¹kāi³yah¹lxin¹kxa² yo³ha² hai³txi³ tī¹kxi¹nx2ti³xa³lho³na².

⁹Kris²tu³jah¹lai²na² wān³txa² nxū²kwai³yxau³nx2ti³xa³kxai²nān²-tu³ nxe³jau³jau¹xai²na² yo³na² ā³yah³lxin¹kxai²nān²tu³ Txa²wā¹sū³na² ā³nū²kxi²sxā³ yxau³yah²lxan³tho³na². Yxān¹ta¹ wān³txai²na² nxū²kwai³-yxau³nx2ti³kxai²nān²tu³ Txa²wā¹wī³na² Si³yxau³jah¹la² ā³nū²kxi²sxā³ yxau² A²ta²ha² ā³nū²kxi²sxā³ yxau² nxe³yah³lxin¹tū¹xa². ¹⁰Nxe³ha²kxai³ a²nū²a² ī²lu³te²lxi³ wxā³kxai²nān²tu³ wān³txai²na² nxe³jau³jau¹xain²txi³ ī³tih³-nxe³nx2ti³xa³kxai²nān²tu³ wxā²sxi²ha² yxau³kxain¹yah³lx³txa³hē¹na². ¹¹Nxe³ sxā³ wxā²wān³txai²na² nxe² e³yah³lxin¹kxai²nān²tu³, yah³lxin¹te³nah¹lxi¹: —~Ko³nxe³ti³ kāi³yah³lxin¹kxan²ti³ Txa²wā¹sū³na² wi¹lī²nx2ti³ju³ta² ten³sa³nhai¹. Yah³lxin¹jau³su² yxah³lxin¹kxai²nān²tu³ ko³nxe³ti³ kāi³ain¹-kxa² yā¹yxah³lxi³hī³nxa¹nxa².

Jo³āu²ah³lai²na² wān³txa² a²ne³ki³san¹jau³su²

¹²Jā¹nxe³jut3su² wān³txa² e³kxi¹nx2ta¹jau³xa² yau³ka³lxa¹hī³nx2na³na². Yxān¹ta¹ kwa²hā¹nxe² ha³teh³nxā³nxa² a³lu²txi³ ū³wha²lī¹la³kxi¹nx2ti³-nxa³lho³na². Ye³jen¹na² wxā³sxā³ ī²nx2ta¹ju³ta² ten³sa³nha². Wxā³sxā³ ī²nx2ta¹kxai²nān²tu³ wxā²ne³nxē³na² e³kxi¹nx2ta¹tū¹xa². Nxe²nx2ta¹-kxai²nān²tu³ ka³lih³kxi²sah²lxin¹tū¹xa².

¹³Wxa²ha³līn³txa² wē³ha³lxin³kxai²na² wān³txa² a²ha³ta³nxa² ū³-sa²si¹hā³ūh¹nx2tain¹na³na². A²nxe³ta¹ka³lxa²kxai³ Je³su²jah³la² ī²sxā³ ā³yū³so¹ta¹ka³lxi³su² nūn³na³na². Na¹jau³su² nxe³ye¹nx2ta¹xa².